

Слава Святей, и Единосущной, и Животворящей, и Нераздельней Троице всегда, ныне и присно и во веки веков. Аминь.

Приидите, поклонимся Цареве нашему Богу.

Приидите, поклонимся и припадем Христу, Цареве нашему Богу.

Приидите, поклонимся и припадем Самому Христу, Цареве и Богу нашему.

Приидите, поклонимся и припадем Ему.

Предначинательный псалом (103-й) (избранные стихи).

**Благослови, душе моя, Господа! Благословен еси Господи!**

**Господи Боже мой, возвеличился еси зело. Благословен еси Господи!**

**Во исповедание и в велелепоту облеклся еси. Благословен еси Господи!**

**Творяй ангелы Своя духи и слуги Своя пламень огненный. Дивна дела Твоя, Господи!**

**На горах станут воды. Посреде гор пройдут воды. Дивна дела Твоя, Господи.**

**Вся премудростию сотворил еси. Слава Ти, Господи, сотворившему вся.**

**Слава Отцу, и Сыну, и Святому Духу, и ныне и присно и во веки веков. Аминь.**

**Аллилуиа, Аллилуиа, Аллилуиа, слава Тебе, Боже (трижды).**

Великая ектения.

Миром Господу помолимся...

Стихословие кафизмы

**Блажен муж, иже не иде на совет нечестивых.**

**Аллилуиа (трижды после каждого стиха).**

**Яко весть Господь путь праведных, и путь нечестивых погибнет.**

**Работайте Господеви со страхом, и радуйтесь Ему с трепетом.**

**Блажени вси надеющийся Нань.**

**Воскресни Господи, спаси мя, Боже мой.**

**Господне есть спасение, и на людех Твоих благословение Твое.**

**Слава, и ныне. Аллилуиа, Аллилуиа, Аллилуиа. Слава Тебе, Боже (трижды).**

Малая ектения

Паки и паки миром Господу помолимся...

Стихиры на Господи воззвах

Глас 1. *Господи, воззвах к Тебе, услыши мя.*

*Господи, воззвах к Тебе, услыши мя. Услыши мя Господи. Господи, воззвах к Тебе, услыши мя: вонми гласу моления моего, вегда воззвати ми к Тебе. Услыши мя Господи.*

*Да исправится молитва моя, яко кадило пред Тобою, воздеяние руку мою, жертва вечерняя. Услыши мя Господи.*

Воскресны стихиры

*Стих: Изведи из темницы душу мою, исповедатися имени Твоему.*

**Вечерняя наша молитвы приими, Святыи Господи, и подаждь нам оставление грехов, яко Един еси явлей в мире Воскресение.**

*Стих: Мене ждуть праведницы, дондеже воздаси мне.*

**Обыдите людие Сион, и обымите Его, и дадите славу в нем Воскресшему из мертвых: яко Той есть Бог наш, Избавлей нас от беззаконий наших.**

*Стих: Из глубины воззвах к Тебе Господи, Господи, услыши глас мой.*

**Приидите людие, воспоим, и поклонимся Христу, славяще Его из мертвых Воскресение: яко Той есть Бог наш, от прелести вражия мир Избавлей.**

Стихиры Троици, глас тойже

*Стих: Да будут уши Твои, внемлюще гласу моления моего.*

**Не помолимся фарисейски, братие: ибо возносяй себе смирится. смирим себе пред Богом, мытарски пощением зовуще: очисти ны Боже, грешныя.**

*Стих: Аще беззакония назриши Господи, Господи, кто постоитъ Яко у Тебе очищение есть.*

**Не помолимся фарисейски, братие: ибо возносяй себе смирится. смирим себе**

пред Богом, мытарски пощением зовуще: очисти ны Боже, грешныя.

*Стих: Имене ради Твоего потерпех Тя Господи, потерпе душа моя в слово Твое, упова душа моя на Господа.*

Фарисей тщеславием побеждаемь, и мытарь покаянием приклоняемь, приступи-ста к тебе единому Владыце: но ов убо похвалився, лишися благих: ов же ничтоже вещав, сподобися дарований. в сих въздыханиих утверди мя Христе Боже, яко человеколюбец.

Ины стихиры новомучеников глас 5

*Стих: От стражи утренняя до нощи, от стражи утренняя, да уповае Израиль на Господа.*

Радуйтесь, новомученицы и исповедницы Российстии, православных удобрение, новозакланнии агнцы, веры поборницы и хранителие, ходатаи о нас к Богу непостыднии, в лета последняя страданьми подражатели первым мучеником явистесь, терпения столпи непоколебимии, душам нашим испросите велию милость.

*Стих: Яко у Господа милость, и многое у Него избавление, и Той избавит Израиля от всех беззаконий его.*

Радуйтесь, страстотерпцы славнии, стопам последующе древних мученик, веры ради подвизастесь твердо в лютая времена земли нашея, и ныне всех подвизаете к славе и хвалению Бога, укрепльшаго ваше немощное естество и обогатившаго вас дарованьми Духа, во спасение душ наших.

*Стих: Хвалите Господа вси языцы, похвалите Его вси людие.*

Приидите, Небеснии предстателие наши, к нам, вашего чающим милостивнаго посещения, и избавите озлобленныя мучительскими прещении и лютаго неистовства неверных, от нихже, яко пленницы и нази, гоними есмы, от места на место часто переходяще и заблуждающе в вертепех и горах. Ущедрите убо, прехвальнии, и даруйте нам ослабу, утолите бурю и угасите еже на ны негодование, Бога моляще, подающаго вами Земли нашей велию милость.

Ины стихиры новомучеников глас 6

*Стих: Яко утвердися милость Его на нас, и истина Господня пребывает во век.*

Святителю отче Тихоне, архипастырю многострадальне, ты в годину лютых безбожных гонений верная чада Церкви Российския, утешая, призывал еси за Христа и веру Православную мужественне стояти, сам же, по вся дни умирая за паству твою, исповедник непоколебимый явился еси. Сего ради ты с любовию прославляем.

*Слава, триоди, глас 8*

Вседержителю Господи, вем, колико могут слезы: езекию бо от врат смертных возведоша, грешную от многолетних согрешений избавиша, мытаря же паче фарисеа оправдаша: и молюся, с ними причтав, помилуй мя.

*И ныне, глас 1, Догматик:*

Всемирную славу, от человек Прозябшую, и Владыку Рождшую, Небесную Дверь, воспоим Марию Деву, Безплотных песнь, и верных удобрение: Сия бо явися Небо, и Храм Божества: Сия преграждение вражды разрушивши, мир введе, и Царствие отверзе. Сию убо имуще веры Утверждение, Поборника имамы из Нея Рождшагося Господа. Дерзайте убо, дерзайте людие Божии: ибо Той победит враги, яко Всесилен.

Вечерний вход

Премудрость. Прости.

Свете тихий святыя славы, Безсмертнаго, Отца Небеснаго, Святаго Блаженнаго, Иисусе Христе! Пришедше на запад солнца, видевшe свет вечерний, поем Отца, Сына и Святаго Духа, Бога. Достоин еси во вся времена пет быти гласы преподобными, Сыне Божий, живот даяй, темже мир Тя славит!

Вонмем.... Мир всем

И духови твоему.

Премудрость, вонмем, прокимен гл. 6, *Господь воцарися, в лепоту облечеса.*

*Стих:* Облечеса Господь в силу и препоясая.

*Стих:* Ибо утверди вселенную, яже не подвижится.

*Стих:* Дому Твоему подобае святыня, Господи, в долготу дний.

И чтения новомучеником

*Деяний святых апостол чтение :*

В тыя дни собращася во Иерусалим князи, старцы, книжницы и елицы беша от рода архиерейска. И, поставльше Петра и Иоанна посреде, вопрошаху: коєю силою или коим именем исцелиста хромага. Петр, исполнився Духа Свята, рече: князи людстии и старцы Израилевы, аше мы днес истязуеми есмы о благодеянии человека немощна, о чесом сей спасеса, разумно буди всем вам и всем людем Израилевым, яко во имя Иисуса Христа Назореа, Его же вы распясте, Егоже Бог воскреси от мертвых, о Сем сей стоит пред вами здрав: Сей есть камень, укореный от вас зиждущих, бывый во главу угла, и несть ни о едином же инем спасения: несть бо иного имени под небесем, даннаго в человецех, о немже подобае спастися нам. Видяще же Петрово дерзновение и Иоанново и разумевше, яко человека некнижна еста и проста, дивляхуся, знаху же их, яко со Иисусом беста: видяще же исцельсшаго человека с нима стояща, ничтоже имяху противу рещи. Повелевше же има вон из сонмища изыти, стязахуся друг со другом, глаголюще: что сотворим човекома сима; яко убо нарочитое знамение бысть има, всем живущим во Иерусалиме яве, и не можем отверчися: но да не более прострется в людех, прещением да запретим има ктому не глаголати о имени сем ни единому от человек. И призваше их, заповедаша има отнюдь не провещавати ниже учити о имени Иисусове. Петр же и Иоанн отвещавша к ним реста: аше праведно есть пред Богом вас послушати паче, нежели Бога, судите: не можем бо мы, яже видехом и слышахом, не глаголати. Они же призапрещше има, пустиша я, ничтоже обретше како мучити их, людей ради, яко вси прославляху Бога о бывшем: лет бо быше множае четьредесяти человек той, на немже бысть чудо сие исцеления. Отпущена же бывша приидоста ко своим и возвестиста, елика к нима архиерее и старцы реша. Они же, слышавше, единодушно воздвигоша глас к Богу и рекоша: Владыко, Ты, Боже, сотворивый небо и землю и море и вся, яже в них, иже Духом Святым усты отца нашего Давида отрока Твоего рекл еси: вскую шаташася языцы, и людие поучишася тщетным; предсташа царие земстии, и князи собращася вкупе на Господа и на Христа Его. Собращася бо воистинну во граде сем на святаго отрока Твоего Иисуса, Егоже помазал еси, Ирод же и Понтийский Пилат с языки и людьми Израилевыми, сотворити, елика рука Твоя и совет Твой преднаече быти: и ныне, Господи, призри на прещения их и даждь рабом Твоим со всяким дерзновением глаголати слово Твое, внегда руку Твою прострети Ти во исцеления, и знамением и чудесем бывати Именем святым отрока Твоего Иисуса. И помолившимся им, подвижесе место, идеже бяху собрани, и исполнишася вси Духа Свята и глаголаху слово Божие со дерзновением.

*К Тимофею послания святаго апостола Павла чтение:*

Чадо Тимофее, засвидетельствую убо аз пред Богом и Господем нашим Иисус Христом, хотящим судити живым и мертвым в явлении Его и царствии Его: Проповедуй слово, настой благовременне и безвременне, обличи, запрети, умоли со всяким долготерпением и учением. Будет во время, егда здраваго учения не послушают, но по своим похотех изберут себе учителя, чешими слухом, и от истины слух отвратят, и к баснем уклонятся. Ты же трезвися о всем, злопостражди, дело сотвори благовестника, служение твое известно сотвори. Аз бо уже жрен бываю, и время моего отшествия наста. Подвигом добрым подвизахся, течение скончах, веру соблюдох. Прочее убо соблюдается мне венец правды егоже воздаст ми Господь в день он, праведный Судия, не токмо же мне, но и всем возлюбльшим явление Его.

*Ко Евреем послания святаго апостола Павла чтение*

Братие, иже верою победита царствия, содеяша правду, получиша обетования, заградиша уста львов, угасиша силу огненную, избегоша острей меча, возмогоша от немощи, быша крепцы во бранех, обратиша в бегство полки чуждих. Прияша жены от воскресения мертвых своих. Инии же избиени быша, не приемше избавления, да лучшее воскресение улучат. Другии же руганием и ранами искушение прияша, еще же и узам и темницею. Камением побииени быша, претрени быша, искушени быша, убийством меча умроша, проидоша в милотех, и в козях кожах, лишени, скорбяще, озлоблени. Ихже не бе достоин весь мир, в пустынях скитающесе и в горах и в вертепах и в пропастьех земных. И сии вси, послушествовани бывше верою, не прияша обетования. Богу лучшее что о нас предзревшу, да не без нас совершенство приимут.

Сугубая ектения

Рцем вси от всея души, и от всего помышления нашего рцем...

**Сподоби, Господи, в вечер сей без греха сохранится нам. Благословен еси, Господи Боже отец наших, и хвально и прославлено имя Твое во веки, аминь. Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоим, Господи, милость Твоя во век; дел руку Твоею не презри. Тебе подобае хвала. Тебе подобае пение, Тебе слава подобае, Отцу и Сыну и Святому Духу, ныне и присно и во веки веков. Аминь.**

Просительная ектения.

Исполним вечернюю молитву нашу Господеви...

На стиховне стихиры воскресные, глас 1-й:

**Страстию Твоею, Христе, от страстей свободихомся, и воскресением Твоим из истления избавихомся, Господи, слава Тебе.**

*Стих: Господь воцарися, в лепоту облечеса.*

**Да радуется тварь, небеса да веселятся, руками да воспещут языцы с веселием: Христос бо Спас наш, на Кресте пригвозди грехи наша: и смерть умертвив, живот нам дарова, падшаго Адама всероднаго Воскресивый, яко Человеколюбец.**

*Стих: Ибо утверди вселенную, яже не подвижется.*

**Царь сый небесе и земли непостижиме, волею распялся еси за человеколюбие. Егоже ад срет доле, огорчися, и праведных души приемша, возрадовашася: Адам же, видев Тя, Зиждителя в преисподних, воскресе. О чудесе! Какое смерти вкуси всех жизнь; но якоже восхоте мир просветити зовущий и глаголющий: Воскресый из мертвых, Господи, слава Тебе.**

*Стих: Дому Твоему подобает святыня, Господи, в долготу дней.*

**Жены мироносицы, мира носяща, со тщанием и рыданием гроба Твоего достигоша, и не обретша Пречистаго Тела Твоего, от Ангела же уведевша новое и преславное чудо, Апостолом глаголаху: воскресе Господь, подавая миру велию милость.**

*Слава, новомучеников, глас 2*

**Новый доме Евфрафов, уделе избранный, Русь Святая, храни веру Православную, в нейже тебе утверждение.**

*И ныне, глас 5, Триоди*

**Отягченными очима моима от беззаконий моих, не могу воззрети и видети высоту Небесную: но приими мя, яко мытаря кающася, Спасе, и помилуй мя.**

**Ныне отпускаеши раба Твоего, Владыко, по глаголу Твоему с миром: яко видеста очи мои спасение Твое, еже еси уготовал пред лицом всех людей, свет во откровение языков, и славу людей Твоих Израиля.**

*Святыи Боже, Святыи Крепкий, Святыи Безсмертный, помилуй нас (трижды).*

*Слава Отцу и Сыну и Святому Духу, и ныне и присно и во веки веков. Аминь.*

*Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради. Господи, помилуй (трижды).*

*Слава Отцу и Сыну и Святому Духу, и ныне и присно и во веки веков. Аминь.*

*Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, яко же и мы оставляем должником нашим; и не введи нас во искушение, но избави нас от лукаваго.*

Яко Твое есть Царство, и сила, и слава, Отца и Сына и Святаго Духа, ныне и присно и во веки веков. Аминь.

Отпустительный тропарь, глас 4:

**Богородице, Дево, радуйся, Благодатная Марие, Господь с Тобою; благословенна Ты в женах и благословен Плод чрева Твоего, яко Спаса родила еси душ наших (дважды).**

Тропарь новомучеников, глас 4:

**Днесь радостно ликует Церковь Русская, прославляющи новомученики и исповедники своя: святители и иереи, Царственные страстотерпцы, благоверныя князи и княгини, преподобныя мужи и жены и вся православныя христианы, во дни гонения безбожнаго жизнь свою за веру во Христа положившия и кровью Истину соблюдавшия. Тех предстательством, Долготерпеливе Господи, страну нашу в Православии сохрани до скончания века.**

**Буди имя Господне благословенно от ныне и до века (трижды)..**

33-й псалом

**Благословлю Господа на всякое время, выну хвала Его во устех моих.**

**О Господе похвалится душа моя: да услышат кротцыи и возвеселятся.**

**Возвеличите Господа со мною, и вознесем имя Его вкупе.**

**Взысках Господа, и услыша мя, и от всех скорбей моих избави мя.**

**Приступите к Нему, и просветитесь, и лица ваша не постыдятся.**

**Сей нищий воззва, и Господь услышай, и от всех скорбей Его спасе и.**

**Ополчится Ангел Господень окрест боящихся Его, и избавит их.**

**Вкусите и видите, яко благ Господь: блажен муж, иже уповае на Нань.**

**Бойтесь Господа вси святии Его, яко несть лишения боящимся Его.**

**Богатии обнищаша и взалкаша: взыскающии же Господа не лишатся всякаго блага.**

Благословение Господне на вас, Того благодатию и человеколюбием, всегда, ныне и присно и во веки веков. Аминь.

УТРЕНЯ (в составе всенощного бдения)

**Слава в вышних Богу, и на земли мир, в человецех благоволение (трижды).  
Господи! устне мои отверзеши, и уста моя возвестят хвалу Твою (дважды).**

Шестопсалмие.

Псалом 3-й

Господи, что ся умножиша стужающие ми! мнози встают на мя; ...

Псалом 37-й

Господи! да не яростию Твоею обличиши мене, ниже гневом Твоим накажеш мене:...

Псалом 62-й

Боже, Боже мой! к Тебе утреннюю; возжада Тебе душа моя, ...

Слава Отцу и Сыну и Святому Духу, и ныне, и присно, и во веки веков, аминь.

Аллилуиа, Аллилуиа, Аллилуиа, слава Тебе, Боже (трижды - без поклонов).

Псалом 87-й

Господи, Боже спасения моего! во дни воззвах, и в нощи пред Тобою...

Псалом 102-й

Благослови, душе моя, Господа, и вся внутренняя моя, имя святое Его! Благослови, душе моя, Господа, и не забывай всех воздаяний Его! ...

Псалом 142-й

Господи! услыши молитву мою, внуши моление мое во истине Твоей,...

Слава Отцу и Сыну и Святому Духу, и ныне и присно и во веки веков; аминь. Аллилуиа, Аллилуиа, Аллилуиа, слава Тебе, Боже (трижды).

Великая ектения

Миром Господу помолимся...

Бог Господь

Бог Господь и явился нам, благословен Грядый во имя Господне.

**Стих:** Исповедайтесь Господеви, яко благ, яко в век милость Его.

**Стих:** Обышедше обыдоша мя, и именем Господним противляхся им.

**Стих:** Не умру, но жив буду, и повем дела Господня.

**Стих:** Камень, его же не брегоша зиждущий, сей бысть во главу угла, от Господа бысть сей и есть дивен во очесех наших.

Тропарь воскресный, глас 1

**Камени запечатану от иудей и воином стрегущим Пречистое Тело Твое, воскресл еси тридневный, Спасе, даруяй миру жизнь. Сего ради Силы Небесныя вопияху Ти, Жизнодавче: слава Воскресению Твоему, Христе, слава Царствию Твоему, слава смотрению Твоему, едине Человеколюбче (дважды).**

Слава, новомучеников, глас 4:

**Днесь радостно ликует Церковь Русская, прославляющи новомученики и исповедники своя: святители и иереи, Царственные страстотерпцы, благоверныя князи и княгини, преподобныя мужи и жены и вся православныя христиане, во дни гонения безбожнаго жизнь свою за веру во Христа положившия и кровью Истину соблюдавшия. Тех предстательством, Долготерпеливе Господи, страну нашу в Православии сохрани до скончания века.**

И ныне, глас 4, Богородичен:

**Еже от века утаеное и Ангелом несведомое таинство, Тобою, Богородице, сущим на земли явился Бог, в неслитном соединении воплощаемь, и Крест волею нас ради восприим, имже воскресив первозданнаго, спасе от смерти души наша.**

*Чтение кафизм*

**Господи помилуй Зр., Слава,  
И ныне... читает кафизму в 3 Славы**

Малая ектения,

Паки и паки миром Господу помолимся...

По 1-м стихословии, седальны воскресны, глас 1:

**Гроб Твой, Спасе, воины стрегущии, мертвии от облистания явльшагося ангела**

быша, проповедающа женам воскресение. Тебе славим тли потребителя, Тебе припадаем, Воскресшему из гроба, и Единому Богу нашему.

*Стих: Воскреси Господи Боже мой, да вознесется рука Твоя, не забуди убогих Твоих до конца.*

Ко Кресту пригвождься волею, Щедре, во гробе положен быв яко мертв, Живо-тодавче, державу стерл еси, Сильне, смертью Твоею: Тебе бо вострепеташа вратницы адовы, Ты совоздвигл еси от века умершья, яко Един Человеколюбец.

*Слава, и ныне, Богородичен:*

Мать Тя Божию свемы вси Деву воистинну, и по Рождестве явльшуюся, иже любовию прибегающей к Твоей благодати: Тебе бо имамы грешнии предстательство, Тебе стяжахом в напастех Спасение, Едину Всенепорочную.

Господи помилуй *Зр., Слава, И ныне... читает кафизму в 3 Славы*

Малая ектения,

Паки и паки миром Господу помолимся...

По 2-м стихословии седальны воскресны, глас 1

Жены ко гробу приидоша уранша, и ангельское явление видевша, трепетаху: гроб облиста жизнь, чудо удивляше я: сего ради шедша, учеником проповедаху востание: ад плени Христос, яко Един крепок и силен, и истлевшья вся совоздвиже, осуждения страх разрушив Крестом.

*Стих: Исповемся Тебе Господи всем сердцем моим, повем вся чудеса Твоя.*

На Кресте пригвоздился еси, Животе всех, и в мертвых вменился еси, Безсмертный Господи, воскресл еси тридневен, Спасе, совоздвиг Адама от тления. Сего ради силы небесныя вопияху Тебе, Жизнодавче Христе: слава Воскресению Твоему, слава снизхождению Твоему, Едине Человеколюбче.

*Слава, и ныне, Богородичен:*

Марие, честное Владыки Приятелище, воскреси ны падшья в пропасть лютаго отчаяния, и прегрешений и скорбей, Ты бо еси грешным Спасение и помощь, и крепкое Предстательство, и спасаеши рабы Твоя.

Полиелей

Хвалите имя Господне, хвалите рабы Господа. Аллилуиа (трижды).

Благословен Господь от Сиона, живой во Иерусалиме. Аллилуиа (трижды).

Исповедайтесь Господеви, яко благ, яко в век милость Его. Аллилуиа (трижды).

Исповедайтесь Богу небесному, яко в век милость Его. Аллилуиа (трижды).

Воскресные тропари святого Иоанна Дамаскина:

*Благословен еси, Господи, научи мя оправданием Твоим*

Ангельский собор удивися, зря Тебе в мертвых вменившася, смертную же, Спасе, крепость разоривша, и с Собою Адама воздвигша, и от ада вся свободша.

*Благословен еси, Господи, научи мя оправданием Твоим*

Почто мира с милостивными слезами, о ученицы, растворяете Блистаясь во гробе Ангел мироносицам вещаше: видите вы гроб и уразумейте: Спас бо воскресе от гроба.

*Благословен еси, Господи, научи мя оправданием Твоим*

Зело рано мироносицы течаху ко гробу Твоему рыдающья, но предста к ним Ангел и рече: рыдания время преста, не плачите, воскресение же апостолом рцыте.

*Благословен еси, Господи, научи мя оправданием Твоим*

Мироносицы жены с миры пришедшия ко гробу Твоему, Спасе, рыдаху, Ангел же к ним рече, глаголя: что с мертвыми живаго помышляете Яко Бог бо, воскресе от гроба.

*Слава Отцу и Сыну и Святому Духу.*

Поклонимся Отцу и Его Сынови, и Святому Духу, Святей Троице во едином существе, с Серафимы зовуще: Свят, Свят, Свят еси, Господи.

*И ныне и присно и во веки веков, аминь.*

**Жизнодавца рождши, греха, Дево, Адама избавила еси, радость же Еве в печали место подала еси, падшия же от жизни к сей направи из Тебе воплотивыися Бог и Человек.**

**Аллилуиа, Аллилуиа, Аллилуиа, слава Тебе, Боже (трижды).**

Малая ектения

Паки и паки миром Господу помолимся...

Ипакои, глас 1

**Разбойничю покаяние рай окраде, плачь же мирносоиц радость возвести, яко воскресл еси, Христе Боже, подай миру велию милость.**

Седален новомучеников, глас 4

**Новомученицы Российстии, кровию своею веру запечатлевшии, Владыку всех молитесь Церковь Русскую в Православии утвердити, землю нашу от скверн очистити, люди во благочестии сохранить во общее всех спасение.**

Ин седален новомучеников, глас 4

**Иже в земли Российстей новомученик и исповедник Твоих, яко багряницею и виссом, кровью Церковь Русская, украсившия, Христе Боже, теми вопиет Ти: людем щедроты твоя низпосли, мир жительству Твоему даруй и душам нашим велию милость.**

Слава, ин седален новомучеников, глас 6

**Мужайся, Христова Церковь, и державствуй над всею борющимися! Христови бо друзи о тебе пекутся и, предстояще и обстояще, ихже общий праздник ныне совершаеши светло.**

И ныне, глас 6

**Яко Деву и Едину в женах, Тя, без семени рождшую Бога плотию, вси ублажаем роди человечестии: огонь бо вселися в Тя Божества и яко Младенца доиши Зиждителя и Господа.. Тем Ангельский и человеческий род достойно славим Рождество Твое и согласно вопием Ти: моли Христа Бога согрешений оставление даровати поклоняющимся верою Пресвятому Рождеству Твоему**

Степенна, глас 1

Антифон 1

**Внегда скорбети ми, услыши моя болезни, Господи, Тебе зову.**

**Пустынным непрестанное Божественное желание бывает, мира сущим суетнаго кроме.**

**Слава: Святому Духу честь и слава, якоже Отцу подобает, купно же и Сыну, сего ради да поем Троице Единодержавие.**

*И ныне, тойже.*

Антифон 2:

**На горы Твоих вознесл еси мя законов, добродетельми просвети, Боже, да пою Тя.**

**Десною Твоею рукою приим Ты, Слове, сохрани мя, соблюди, да не огонь мене опалит греховный.**

**Слава: Святым Духом всякая тварь обновляется, паки текущи на первое: равномощен бо есть Отцу и Слову.**

*И ныне, тойже.*

Антифон 3:

**О рекших мне, внидем во дворы Господни, возвеселися мой дух, срадуется сердце.**

**В дому Давидове страх велик: тамо бо престолом поставленным, судятся вся племена земная, и языцы.**

**Слава: Святому Духу, честь, поклонение, славу и державу, якоже Отцу достоит, и Сынови подобает приносить: Единица бо есть Троица Естеством, но не Лицы**

*И ныне, тойже.*

**Прокимен, глас 1: Ныне воскресну, глаголет Господь, положуся во спасение, не обинюся о нем.**

**Стух:** Слова Господня, слова чиста..

Господу помолимся — **Господи помилуй**— Яко Свят еси Боже наш... **Аминь.**

**Всякое дыхание да хвалит Господа.**

**Стух:** Хвалите Бога во святых Его:

И о сподобитися нам слышанию Святаго Евангелия Господа Бога молим — **Господи помилуй** Зр Мир всем - **И духови твоему.**

От (Матфея или Марка или...) Святаго Евангелия чтение **Слава Тебе, Господи, слава Тебе.**

**Чтение Евангелия.**

**Слава Тебе, Господи, слава Тебе.**

**Воскресение Христово видевше, поклонимся Святому Господу Иисусу, единому безгрешному. Кресту Твоему покланяемся, Христе, и святое Воскресение Твое поем и славим: Ты бо еси Бог наш, разве Тебе иного не знаем, имя Твое именуем. Приидите вси вернии, поклонимся Святому Христову Воскресению: се бо прииде крестом радость всему миру, всегда благословяще Господа, поем Воскресение Его: распятие бо претерпев, смертью смерть разруши.**

**50 псалом (чтец)**

**Слава Отцу и Сыну и Святому Духу.** Покаяния отверзи ми двери жизнедавче, утренюет бо дух мой ко храму святому твоему, храм носяй телесный весь осквернен: но яко щедр, очисти благоутробною твоею милостию

**И ныне и присно и во веки веков, аминь.** На спасения стези настави мя Богородице, студными бо окалях душу грехми, и в лености все житие мое иждих: но твоими молитвами избави мя от всякия нечистоты.

**Помилуй мя, Боже, по велицей милости Твоей и по множеству щедрот Твоих очисти беззаконие мое!**

**Множества содеянных мною лютых, помышляя окаянный, трепещу страшного дне судного: но надеяся на милость благоутробия твоего, яко давид вопию ти: помилуй мя Боже по велицей твоей милости.**

Спаси, Боже, люди Твоя и благослови достояние Твое, посети мир Твой милостию и щедротами, возвыси рог христиан православных и низпосли на ны милости Твоя богатыя; молитвами Всепречистыя Владычицы нашея Богородицы и Приснодевы Марии: силою Честнаго и Животворящаго Креста: предстательства честных Небесных Сил безплотных: честнаго славнаго пророка, Предтечи и Крестителя Иоанна, святых славных и всехвальных апостол: иже во святых отец наших и вселенских великих учителей и святителей, Василия Великаго, Григория Богослова и Иоанна Златоустаго: иже во святых отца нашего Николая, архиепископа Мирликийских, чудотворца: святых равноапостольных Мефодия и Кирилла, учителей Словенских: святаго равноапостольнаго великаго князя Владимира: иже во святых отец наших всея России чудотворцев, Михаила, Петра, Алексия, Ионы, Филиппа и Ермогена: святых славных и добропобедных мучеников, преподобных и богоносных отец наших, святых и праведных Богоотец Иоакима и Анны (и святаго, имя рек, егоже есть храм и егоже есть день) и всех святых: молим Тя, многомилостиво Господи, услыши нас, грешных, молящихся Тебе, и помилуй нас.

**Господи, помилуй (12 раз).**

Милостию, и щедротами, и человеколюбием Единороднаго Твоего Сына, с Ним же благословен еси, со Всесвятым и Благим и Животворящим Твоим Духом, ныне и присно и во веки веков. — **Аминь.**

*Канон воскресный. Глас 1*

*Песнь 1*

**Ирмос:** Твоя победительная десница Боголепно в крепости прославися: та бо, Безсмертне, яко всемогущая, противныя сотре, Израильтяном путь глубины новосоделавшая.

**Иже рукама пречистыма от персти богодетельне исперва создав мя, руце распростерл еси на кресте, от земли взывая тленное мое тело, еже от Девы приял еси.**

**Умерщвление подъял еси мене ради, и душу смерти предал еси, Иже вдохновением**

божественным душу ми вложивый, и отрешив вечных уз, и совоскресив нетлением прославил еси.

*Богородичен:* Радуйся, благодати источнице, радуйся лестнице, и двери небесная, радуйся свещнице, и ручко золотая, и горо несекомая, Яже Жизнодавца Христа мирови рождшая.

*Ин канон Пресвятей Богородице*

Кую Ти достойную песнь наше принесет неможение точию обрадовательную, ейже нас Гавриил тайно научил есть: радуйся, Богородице Дево, Мати Невестная.

Приснодеве и Матери Царя вышних сил, от чистейша сердца, вернии, духовне возопиим: радуйся, Богородице Дево, Мати Невестная.

*Ин канон Триоди*

Притчами вводяй вся Христос, к жития исправлению, мытаря возвышает от смирения, показав фарисеа возвышением смиряема.

От смирения честь высокотворяющую, от возношения же падение видя лютое, мытаревым ревнуй добрым, и фарисейскую злобу возненавиждь.

От возношения испражняется всякое благое, от смирения же потребляется всякое злое: еже облобызаим вернии, гнушающеся яве образа тщеславнаго.

Смиреномудрым быти своим ученком хотя всех царь, наказуя учаше ревновати мытареву въздыханию и смирению.

*Ин канон Новомучеников*

Господи, Боже наш, присно прославляющий вся святых, ныне и нас, недостойных, сподоби сыновне прославити святых сродников наших, новомучеников и исповедников российских.

Кровьми вашими священомученицы, яко в Чермнем мори, потопили есте безбожныя мучители, Церковь же Русская, вами красящися, похвалы победныя, яко земля обетованная мед и млеко, вам источает.

Егда дадесе вам благодать, не точию во Христа веровати, но и по Нем страдати, немокренно пучину кровных мук проидосте, святии мученицы, верным сыновом российским образ явльше, и со дерзновенным исповеданием во врата Небесная внидосте.

*Богородичен:* Приими песнь хвалебную от недостойных уст возносимую, препрославленная Мати Божия.

*Катавасиа:* Сушу глубородительную землю солнце нашествова иногда, яко стена бо огусте обаполы вода, людем пешемореходящим и Богоугодно поющим: поим Господеви, славно бо прославися.

*Песнь 3*

*Ирмос:* Едине ведый человеческого существа немощь и милостивно в не вообразя, препояши мя с высоты силою, еже вопити Тебе, Святыи, одушевленный храме неизреченныя славы Твоея, Человеколюбче.

Бог Сый мне, Блаже, падшаго ущедрил еси, и снити ко мне благоволив, вознесл мя еси распятием, еже вопити Тебе, Святыи: Храме одушевленный неизреченныя Твоея славы, Человеколюбче.

Живот ипостасный Христе сый, в истлевша мя, яко Милосердый Бог, оболкся, в персть смертную сошед, Владыко, смертную державу разрушил еси, и мертв тридневен воскрес, в нетление мя облел еси.

*Богородичен:* Бога заченши во чреве, Дево, Духом Пресвятым, пребыла еси неопалима, понеже Тя купина законоположнику Моисею, палимую нежегомо, яве предвозвести, огонь нестерпимый приемшую.

*Ин*

Облак Тя легкий неложно, Дево, именуем, пророческим возследующе речением: прииде бо на Тебе Господь низложити египетския прелести рукотворения, и просветити сим служащия.

Тя запечатанный воистинну лик пророческий источник, и заключенную дверь именована, девства Твоего, Всепетая, явственне знамения нам пишуще: еже сохранила еси и по рождестве.

*Ии*

От гноища убо страстей смиренный возношается, от высоты же добродетелей низпадает люте всяк высокосердый: егоже образа злобы убежим.

Тщеславие отгщетеваает богатство правды, смирение же расточает страстей множество: еже подражающия ны, части покажи мытаревы спасе.

Яко мытарь и мы биующеся в перси, умилением вопием: очисти Боже нас грешных, яко да сего приимем оставление.

К ревности приидем вернии, исправляюще кроткое, смирению соживуще в стени сердца, плаче же и молитве, яко да имама от Бога прощение.

*Ии*

Егда буря нечестия на Церковь Русскую воздвижесе, вы, святии новомученицы, страданьями вашими со тщанием укротисте ю и подвиги вашими Православие утвердисте.

Муки велия за Церковь Христову претерпесте, святии новомученицы, молитве утвердитися Ей незыблемей и непоколебимей до скончания века.

Страданьями и исповеданием Христа, святии сродницы наши, вшедше в Небесная селения, яко древле Израиль в земно обетованную, отечество ваше земное, Русь Святую, в любви сохраняйте молитвами вашими.

*Богородичен:* Небесных кругов вышшая и славою Божественною преукрашенная, Дево Мати Божия, спаси души наша.

*Катавасиа:* Утверждение на тя надеющихся, утверди, Господи, церковь, юже стяжал еси честною твоею кровию.

*Малая ектения.*

Паки и паки миром Господу помолимся...

*Кондак Новомучеников, глас 3*

Днесь новомученицы Российской в ризах белых предстоят Агнцу Божию и со Ангелы песнь победную воспевают Богу: благословение, и слава, и премудрость, и хвала, и честь, и сила, и крепость нашему Богу во веки веков. Аминь.

*Икос*

Красный личе, светозарнии и Божественнии светильницы, свету великому предстояще присно, БогоБлаженнии Мученцы, и отгуду испущаемыми невечерняго Божества сиянии, всегда просвещаемы и обожаемы, верую память вашу совершающия Божественную просветите, и омрачения и страстей и бед и злобы избавите, молящесе непрестанно о всех нас.

*Седален Новомучеников, глас 2*

Новии страстотерпцы Российской, мученически поприще земное скончавшии и страданьями дерзновение ко Господу приобретшии, молитесь Ему, вас укрепльшему, да и мы, егда найдет на ны испытания час, мужества дар Божий восприимем. *(Дважды)*

*Слава и Ныне, Седален Троицы, глас 4*

Смирение вознесе одержимаго злыми, мытаря возстенавша, и еже очисти, к жиждителю воззваша: возношение же низложи от правды окаяннаго фарисея веле-речуща. темже поревнуим добрым, злых отступающе.

*Песнь 4*

*Ирмос:* Гору Тя благодатию Божиею приосененную, прозорливима Аввакум усмотрив очима, из Тебе изыти Израилеву провозглашаше Святому, во Спасение наше и обновление.

Кто сей Спас иже из Едома исходя, венец нося терновен, очервленну ризу имый, на древе вися; Израилев есть Сей Святыи, во Спасение наше и обновление.

Видите людие непокоривии, и устыдитесь: Егоже бо яко злодея вы вознести на крест у Пилата испросисте умовредне, смерти разрушив силу, боголепно воскрес из гроба.

*Богородицен:* Древо Тя, Дево, жизни вемя: не бо снеди плод смертоносный человеком из Тебе прозябе, но живота присносушного наслаждение, во Спасение нас поющих Тя.

*Ии*

Слыши чудес небо, и внушай земле, яко Дщи перстнаго убо падшаго Адама, Богу наречена бысть, и Своему Содетелю Родительница, на Спасение наше и обновление.

Поем великое и страшное Твое таинство, премирных бо утаився чиноначалий, на Тя Иже сый сниде яко дождь на руно, Всепетая, на Спасение нас поющих Тя.

*Ии*

Изрядный показа путь возношения, смирение, слово смирившееся даже и до зрака рабья: егоже подражая всякий, возношается смиряся.

Вознесся праведник, и низпаде фарисей: во множестве же зол отягчаемый смирия, но вознесся мытарь, ненадежно оправдаемый.

Нищеты ходатай, от богатства добродетелей, безумие явися: и богатство абие смирение оправдания от крайня нищеты, юже стяжим.

Предрекл еси Владыко, велемудрствующим противостати всячески, и смиренным благодать твою подая спасе, смирившимся ныне нам твою благодать низпосли.

*Ии*

Всем концем земли явися чудо смотраения Твоего, Владыко, кровию бо новомученик, яко водою, угасил еси в Российской земли пламень нечестия и развращения, и спасл еси люди Твоя.

Славу Божию наследовали есте, новомученицы, просиявшии в земли нашей, отвергшися бо себе и страх смертный препобедивше, любовь к Богу даже до смерти мужественно сохранили есте.

Подвигом добрым подвизавшиися, святии новомученицы Российскойсти, к покаянию и добродетельному житию подвигните нас, да и мы вашими молитвами сподобимся прославляти Господа во Царствии Его.

*Богородицен:* На Твой надеющися покров, Мати Божия, со святыми новомученики и исповедники Российскими прославляем милосердие Твое.

*Катавасиа:* Покрыла ест Небеса добродетель твоя, Христе. из кивота бо прошед, святыни твоя нетленные Матере, в храме славы твоя явился еси, яко младенец руконосимь и исполнишася вся твоего хваления.

*Песнь 5*

*Ирмос:* Просветивый сиянием пришествия Твоего, Христе, и осветивый Крестом Твоим мира концы, сердца просвети светом Твоего Богоразумия, православно поющих Тя.

Пастыря овцам великаго и Господа, иудеи древом крестным умертвиша: но Той яко овцы, мертвыя, во аде погребенныя, державы смертныя избави.

Крестом Твоим мир благовестив, и проповедав пленным, Спасе мой, оставление, державу имущаго посрамил еси, Христе: нага, обнищавша показавый Божественным востанием Твоим.

*Богородицен:* Прощения верно просящих, Всепетая, не презри: но прими, и сия доношай Сыну Твоему, Пречистая, Богу Единому Благодетелю, Тебе бо Предстательницу стяжахом.

*Ии*

Веселятся небесныя силы зряще Тя: радуются с ними человеков собрания: Рождеством бо Твоим совокупишася, Дево Богородице, еже достойно славим.

Да движатся вси языцы человечести и мысли, к похвале человеческого воистинну удобрения, Дева предстоит яве славящи, верую Тоя поющих чудеса.

*Ии*

Фарисеевы добродетели потщимся подражати, и поревновати мытареву смирению, во обою ненавидяще безместное мнение, и пагубу падений.

**Правды течение тщетное обличися, сопряг в нем фарисей мнение: абие же мытарь высокотворною добродетелию стяжа спутника, смирение.**

**Колесничник в добродетелех, мняшеся тещи фарисей: но пеший, паче лидийския колесницы текий, мытарь добре предвари, припряг щедроте смирение.**

**Мытареву притчу вси уразумевше умом, приидите поревнуим слезам, дух сокрушенный Богу приносяще, грехов ищуще оставления.**

*Ин*

**Дерзновенно, святии, исповедали есте Господа пред отступники и гонители: с нами Бог, взывающе, разумеите и покаяйтесь, страха вашего не убоимся, ниже смутимся, яко с нами Бог.**

**Уврачуйте молитвами вашими, святии новомученицы Российстии, люди богоборныя, враждою и убийствы дышущия, и мир стране нашей и верным людям даруйте.**

**Предстояще Христу, власть имущу судити всему миру, святии новомученицы и исповедницы Российстии, очистите нас от грехов наших молитвами вашими, да не с миром осуждени будем.**

*Богородичен:* **Водворяет ны змий во юдоль плача и чаяния злых, не можем терпети скорби своя, взываху новомученицы, Ты же, Богородительнице, простерла еси им покров Свой и спасла еси от сетей вражиих.**

*Катавасиа:* **Яко виде Исаиа образно на престоле превознесена Бога, от ангел славы дориносима, о окаянный, вопияше, аз провидех бо воплощаема Бога, света невечерня и миром владычествующа.**

*Песнь 6*

*Ирмос:* **Обыде нас последняя бездна, несть избавляяй, вменихомся, яко овцы заколения, спаси люди Твоя, Боже наш, Ты бо крепость немощствующих и исправление. мя.**

**Согрешением первозданнаго, Господи, люте уязвихомся, раною же исцелихомся Твоею, еюже за ны уязвился еси, Христе: Ты бо крепость немощствующих и исправление.**

**Возвел ны еси из ада, Господи, кита убив всеядца, Всесильне, Твоею державою низложив того силу: Ты бо Живот, и Свет еси, и Воскресение.**

*Богородичен:* **Веселятся о Тебе, Дево Пречистая, рода нашего праотцы, Едем восприемше Тобою, егоже преступлением погубиша: Ты бо, Чистая, и прежде Рождества, и по Рождестве еси.**

*Ин*

**Предстоят раболепне Рождеству Твоему чини небеснии, дивящеся достойно Твоему безсеменному Рождеству, Приснодево: Ты бо, Чистая, и прежде Рождества, и по Рождестве еси.**

**Воплотися прежде сый Безплотен, Слово из Тебе, Пречистая, всяческая волею творяй, безтелесных воинства приведый от небытия, яко Всесилен.**

*Ин*

**Жития поприще мытарь вкупе и фарисей течаства: но ов убо высокоумием содержимь, срамне утону, ов же смирением спасеся.**

**Жития бедное преминующе мы течение, подражаем мытареву убо мудрование ревнительно: бежим же кичения мерзкаго фарисеа, и живи будем.**

**Нравом поревнуим спаса Иисуса, и его смирению, желающе непрестанное радости селение получитьи, во стране живущих водворяющеся.**

**Показал еси Владыко, твоим ученком высокотворное смирение, лентием препоясан по чреслом, нозе умыл еси, и сему образу подражати повелел еси.**

*Ин*

**Волны безбожнаго нечестия тщашася потопити корабль Церкви Русския, Ты же, Истинный Кормчий, спасл еси шествующия на нем молитвами страстотерпцев Российских, вопиющих: Господи Сил, из смертоносныя глубины возведи ны.**

Безбожнии внуцы Каиновы святыни церковныя поруганию и огню предаша, обители разориша, храмы, яко овощныя хранилища, содеяша, христоролюбивыя люди в темницы заключиша и умучиша. Вы же, страстотерпцы, с любовию учили есте: сие бысть по грехом нашим, людие, покайтесь.

Увы нам, увы, вопияху исповедницы Российстии, видяще, яко безумнии богоборцы святыни земли нашей разориша, обители, яко узилища темничная, содеяша, храмы Божии в скверная и позорищная места обратиша и кровь христианскую в них пролияша. Сего ради опустошишася сердца нечестивых и живот их аду приближися.

*Богородичен:* Изведи нас из рова погибели и уврачуй наша греховныя язвы, Пресвятая Мати Дево, да неосужденно сподобимся присно прославляти новомученики Сына Твоего и Бога нашего.

*Катавасиа:* Возопи к тебе видев старец очима спасение, еже людем прииде от Бога, Христе, ты Бог мой.

*Малая ектения.*

Паки и паки миром Господу помолимся...

*Кондак Триоди, глас 4*

Воздыхания принесем мытарская Господеви, и к нему приступим грешнии яко Владыце: хочет бо спасения всех человеков, оставление подает всем кающимся. нас бо ради воплотися, Бог сый отцу собезначальный.

*Икос:*

Сами себе братие вси смирим въздыханьми, рыданьми побием совесть: да в суде тогда вечном тамо явимся вернии, неповинни, получивше оставление. тамо бо есть воистинну ослабление, еже видети там ныне умолим: тамо болезнь отбеже, печаль и из глубины въздыхания, во едеме дивнем, егоже Христос зиждитель, Бог сый отцу собезначальный.

*Песнь 7*

*Ирмос:* Тебе умную, Богородице, пещь рассмотрим, вернии, якоже бо отроки спасе три Превозносимый, мир обнови, во чреве Твоем всецел, хвальный отцев Бог и препрославлен.

Убоися земля, сокрыся солнце, и померче свет, раздрася церковная божественная завеса, камение же разседся: на кресте бо висит Праведный, Хвальный отцев Бог, и препрославлен.

Ты быв аки безпомощен, и уязвен в мертвых волею нас ради превозносимый, вся свободил еси, и державною рукою совоскресил еси, хвальный отцев Бог, и препрославлен.

*Богородичен:* Радуйся, источниче присноживыя воды. Радуйся, раю пищный. Радуйся, стено верных. Радуйся, Неискусобрачная. Радуйся, всемирная Радосте, Еюже нам возсия Хвальный отцев Бог, и препрославлен.

*Ин*

Тя, Богородице, лествицу Иаков пророчески разумеваает: Тобою бо Превозносимый на земли явился, и с человеки поживе, яко благоволи, Хвальный отцев Бог и Препрославлен.

Радуйся, Чистая, из Тебе пройде Пастырь, Иже во Адамову кожу оболкся воистинну Превозносимый, во всего мя человека, за благоутробие непостижное: Хвальный отцев Бог и Препрославлен.

*Ин*

Оправдания дела възвышаемый, сетьми тщеславия люте превознесеса фарисей, безмерно хваляся: мытарь же легким крилом смирения вознесся, Богу приближися.

Смирения аки лествицею употребився образом мытарь, к Небесней высоте възвысися: гордынею же гнилою и безумием окаянный вознесся фарисей, сниде до ада преисподняго.

**Праведных лова убо лукавый, образи тщеславия крадет: грешных же сетью отчаяния связует. но убо от обоих зол мытаря ревнителие, избавитися потщимся.**

**Молитвою Богу нашему припадем, слезами и теплыми воздыханием, подражающе мытареву высокотворное смирение, поюще вернии: благословен еси Боже отец наших.**

*Ии*

**Отроцы в Вавилоне древле, яко основание, новомученицы же Российстии ныне, яко увенчание, с лики страстотерпец присно взывают: благословен еси, Господи Боже отец наших.**

**Отроцы в Вавилоне пещнаго пламене не убояшася, новомученицы же Российстии, тем подражающе, гонения безбожных в ничтоже вмениша, темже ныне согласно с ними воспевают: благословен еси, Господи Боже отец наших.**

**Днесь торжествует Церковь Русская, святии бо новомученицы, сродницы наши, к ликостоянием святых от века Богу благоугодившим присовокупившеся, согласно с ними воспевают хвалебную песнь: благословен еси, Боже отец наших.**

*Богородичен:* **Предстоящи Ти Кресту Сына Твоего, Богомати, оружие пройде душу Твою, темже и попечение сугубое о возлюбивших Его прияла еси, иже Тя сыновне величают: благословена Ты в женах еси, Всенепорочная Владычице.**

*Катавасиа:* **Тебе во огни оросившаго отроки Богословившия, и в Деву нетленну всельшагося, Бога слова поим, благочестно поюще: благословен Бог отец наших.**

*Песнь 8*

*Ирмос:* **В пещи отроцы Израилевы, якоже в горниле, доброту благочестия чистее злата блещахуся, глаголюще: благословите, вся дела Господня, Господа, пойте и превозносите во вся веки.**

**Иже волею вся творяй, и претворяй, обращающ сень смертную в вечную жизнь, страстию Твоею, Слове Божий, Тебе непрестанно вся дела Господня, Господа поим, и превозносим во вся веки.**

**Ты разорил еси сокрушение, Христе, и окаянство, во вратех и твердынях адовых, воскрес из гроба тридневен. Тебе непрестанно вся дела, яко Господа, поют, и превозносят во вся веки.**

*Богородичен:* **Яже без семени и преестественно от облистания Божественнаго Рождшую бисера многоценнаго Христа, воспоем глаголюще: благословите вся дела Господня, Господа, пойте и превозносите Его во вся веки.**

*Ии*

**Чертог световидный, из негоже всех Владыка, яко Жених произыде Христос, воспоем вси вопиюще: вся дела Господня, Господа пойте, и превозносите во вся веки.**

**Радуйся, Престоле славный Божий, радуйся, верных стено, Еюже сущим во тьме возсия свет Христос, Тебе блажащим, и вопиющим: вся дела Господня, Господа пойте, и превозносите во вся веки.**

*Ии*

**Смиренномудренным нравом милостива Господа мытарь воздохнув обрете, и спасен бысть: образом же лютым языка велеречиваго, правды отпаде фарисей.**

**Фарисеева кичения произволения, и именованя чистоты, бежим вернии: ревнующе мытареву добре помилованному смирению и нраву.**

**Гласы мытаревы вернии вещаем в церкви святей: Боже очисти, да с ним уллучим прощение, пагубы велехвальнаго избавльшеся фарисеа.**

**Воздыханию мытареву вси поревнуим, и Богу беседующе, теплыми слезами возопиим ему: человеколюбче, согрешихом, благоутробне щедрый, очисти и спаси.**

*Ии*

**Законы Христовы возлюбиша новомученицы и исповедницы Российстии, безбожная же повеления отринуша и, ревностию о Бозе связуемии, Богу победную песнь воспеваху: да благословит Господа Русь Святая и превозносит Его во веки.**

Егда земля Российская тьмою безбожия и каиновым озлоблением объята бысть, тогда мнози христоролюбивии людие на горькия работы изгнани быша и глад, мраз, зной и смерть лютую мужественно претерпеша, верою же, надеждою и любовию совокуплени, достойную воспеваху песнь: да благословит Господа Русь Святая и превозносит Его во веки.

Ангелов хвалу и новомучеников славословие милостивно приемляй, не отрини, Троиностасный Боже, от сонма их и нас, недостойных, но сподоби вкупе с ними воспевати: да благословит Господа Русь Святая и превозносит Его во веки.

*Богородичен:* Зрящи поругание святаго удела Своего, скорбяше Пречистая Матерь и державную помощь верным людям простираше, Сына же Своего усердно моляше, зывающи: да благословит Господа Русь Святая и превозносит Его во веки.

Хвалим, благословим, покланяемся Господеви, поюще и превозносяще во вся веки.

*Катавасиа:* Нестерпимому огню соединившеся, Богочестия предстояще юноши, пламенем же невреждени, Божественную песнь пояху: благословите, вся дела Господня, Господа, и превозносите во вся веки.

Богородицу и Матерь Света в песнях возвеличим!

*Песнь 9*

Величит душа Моя Господа, и возрадовася дух Мой о Бозе, Спасе Моем.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем! (То же повторяется по окончании каждого следующего стиха.)

Яко призре на смирение рабы Своея, се бо отныне ублажат Мя вси роди.

Яко сотвори Мне величие Сильный и, свято имя Его, и милость Его в роды родов боящимся Его.

Сотвори державу мышцею Своею, расточи гордыя мыслию сердца их.

Низложи сильныя со престол, и вознесе смиренныя; алчущия исполни благ и богатыяся отпусти тщи.

Восприят Израиля, отрока Своего, помянути милости, якоже глагола ко отцем нашим, Аврааму и семени его даже до века.

*Ирмос:* Образ чистаго рождества Твоего, огнепалимая купина показа неопальная; и ныне на нас напастей свирепеющую угасити, молимся, пещь, да Тя, Богородице, непрестанно величаем.

О како, людие беззаконнии и непокоривии, лукавая совещавше, гордаго и нечестиваго оправдиша: Праведнаго же на древе осудиша Господа славы, Егоже достойно величаем!

Спасе Агнче Непорочне, Иже мира грехи вземый, Тебе славим воскресшаго тридневно, со Отцем и Божественным Твоим Духом, и Господа славы: Егоже богословяще, величаем.

*Богородичен:* Спаси люди Твоя, Господи, ихже стяжал еси честною Твоею кровию, церквам Твоим подая мир, Человеколюбче, Богородицы молитвами.

*Ин*

Из корене Давидова прозябла еси пророческаго, Дево, и богоотческаго: но и Давида яко воистинну Ты прославила еси, яко рождши пророчествованнаго Господа славы: Егоже достойно величаем.

Всяк похвальный, Пречистая, закон побеждается величеством славы Твоея. Но о, Владычице, от раб Твоих недостойных, от любве Тебе приносимое прими, Богородице, со усердием пение похвальное.

*Ин*

Путь возношения смирение, от Христа вземше спасения образ, мытареву обычаю поревнуим, кичение возношения далече отметающе, нравом же смиренномудрия Бога умоляюще.

Душевную гордыню отвержим, нрав правый смиренномудрия стяжим, себе оправдати не тщимся, тщеславия кичение возненавидим, и с мытарем Бога умолим.

Молитвы содетелю милости принесем мытарския, фарисейских отвращающиеся неблагодарных молитв, и велехвальных гласов, иже на ближняго суд возводят, да Бога милостива и свет привлечем.

Многим прегрешений собранием отягчен, изобилием злобы мытаря преидох, и фарисеево велехвальное кичение притяжах, отвсяду пуст всех быв благих: Господи, пощади мя.

*Ии*

Безсмертныя трапезы и жизни вечныя во Царствии Божиим наслаждаются ныне новомученицы и исповедницы Российстии, исполнися бо на них обетование Господне: побеждающим дам сести со Мною на Престоле Моем.

Да прославятся с лики новомучеников и исповедников Российских жены богомудрыя земли нашея, яже мирносиц восприемшия чин и мужески Христу последовавшия, страдания за Имя Его претерпеша и верно отцем, мужем и братьям нашим, Христа ради мучимым, послужиша. Сего ради ныне в жизни вечней вкупе с ними трапезы безсмертныя наслаждаются.

Жизнодавче Господи, молитвами новомучеников и исповедников Российских упокой со всеми праведными верныя рабы Твоя, за имя Твое пострадавшия: святители и иереи, монаси и мирстии, старыя, юныя и всяк возраст, именуемыя и неименуемыя, яко истинныя сыны и други Божия.

*Богородичен:* Яко Взбранная Воевода воинства новомучеников и исповедников Российских, державный покров и милостивное заступление явила еси, Пресвятая Дево, земли нашей, опустошаемой скорбными и безбожными наведениями. Сего ради ныне молим Тя: прости люди согрешшыя и сохрани Святую Русь.

*Катавасиа:* В законе сени и писаний образ видим, вернии, всяк мужеский пол, ложесна разверзая, свят Богу, тем перворожденное слово, Отца безначальна, Сына первородящася Материю неискусомужно, величаем.

Малая ектения.

Паки и паки миром Господу помолимся...

Свят Господь Бог наш! — Яко свят Господь Бог наш. — Над всеми людьми Бог наш.

Ексапостиларий 1-й:

Со ученики въздем на гору Галилейскую, верою Христа видети глаголюща власть прияти вышних и нижних, научимся: како учит крещати во имя Отца, и Сына, и Святаго Духа, языки вся, и пребывати с таинники, якоже обещася, до скончания века.

Слава, Светилен Новомучеников

Яко отребие, миру бысте, святии новомученицы и исповедницы Российстии, камением побиени быша, претрени быша, искушени быша, убийством меча умроша, свидетельствующе о Свете Истиннем, Иисусе Христе, Господе нашем.

И ныне, светилен Триоди

Высокоречия убежим фарисеева злейшаго, смирению же навькнем мытареву изряднейшему, да вознесемся вопиюще к Богу со онем: очисти рабы твоя, родивыйся от Девы Христе спасе волею, и Крест претерпевый, совоздвигнувший мир твоим Божественным могуществом.

(псалмы 150, 148-й, 149-й):

На хвалитех стихиры воскресны, глас 1:

Глас 1. Всякое дыхание да хвалит Господа! — **Всякое дыхание да хвалит Господа!**

**Хвалите Господа с небес, хвалите Его в вышних. Тебе подобает песнь Богу.**

**Хвалите Его вси ангели Его, хвалите Его вся силы Его. Тебе подобает песнь Богу.**

*Стих: Сотворити в них суд написан: слава сия будет всем преподобным Его.*

**Поем Твою, Христе, спасительную страсть, и славим Твое Воскресение.**

*Стих: Хвалите Бога во святых Его, хвалите Его во утверждении силы Его.*

**Крест претерпевый, и смерть упраздненный, и воскресый из мертвых, умири нашу жизнь, Господи, яко един Всесилен.**

*Стих: Хвалите Его на силах Его, хвалите Его по множеству величества Его.*

**Ада пленивый, и человека воскресивый, Воскресением Твоим, Христе, сподоби нас чистым сердцем Тебе пети и славить.**

*Стих: Хвалите Его во гласе трубнем, хвалите Его во псалтири и гуслех.*

**Боголепное Твое снисхождение славяще, поем Тя, Христе. Родился еси от Девы, и не разлучен был еси от Отца, пострадал еси, яко человек, и волею претерпел еси Крест, воскресл еси от гроба, яко от чертога произшед, да спасеши мир, Господи слава Тебе.**

Новомучеников, глас 8-й:

*Стих: Хвалите Его в тимпане и лице, хвалите Его во струнах и органе.*

**О, преславнаго чудесе! В последняя времена возсиявают мученицы и прелести мрак отгоняют, вера христианская ныне возвышается и падает нечестие, радуются вернии и праздник новоявленным составляют, вопиюще Христу Богу: мучеников похвала и победа Ты еси, Всесильне.**

*Стих: Хвалите Его в кимвалех доброгласных, хвалите Его в кимвалех восклицания: всякое дыхание да хвалит Господа.*

**Веры бронями, и щитом благодати, и креста копием вооружившись, сопротивным силам непобедими бысте и, яко Божественнии храборницы, демонская ополчения победивше, со ангелы ликуете, верныя же заступаете, и освящаете, и спасаете, призываемии.**

*Стих: Господи, Господь наш, яко чудно Имя Твое по всей земли.*

**О, преславнаго чудесе! Чудес светлостьми солнца светлейше присно святии сродницы наши светят концем Русския земли, от невечерняго Света облистаеми, ихже сиянии облацы от страны нашея отгоняются варварстии и демони побеждаются.**

глас 6

*Стих: Святым, иже суть на земли Его, удиви Господь вся хотения Своя в них.*

**Новоявленные звезды днесь на церковней показашася тверди, во мнозех местех бывшии мученицы Христовы, ихже ублажающе, мучениколюбцы, по долгу им прирцем, глаголюще: радуйтесь, благочестия утверждение и нечестия обуздание; радуйтесь, Российския Церкви славо и безбожных посрамление; радуйтесь, образи терпения и за Христа страдания. Станите, непобедимии, посреде нас умне, от бед и искушений избавляюще, и молитесь о спасении душ наших.**

Слава, Триоди, глас 8

**От дел похваленными, фарисеа оправдающа себе осудил еси Господи, и мытаря смирившася, и въздыханьми очищения просяща оправдал еси: не внимаеши бо велемудренным помыслом, и сокрушенная сердца не уничижаеши. темже и мы тебе припадаем во смирении, пострадавшему нас ради: подаждь оставление и велию милость.**

И ныне, глас 2

**Преблагословенна еси Богородице Дево, воплощшим бо ся из тебе ад пленися, адам воззвася, клятва потребися, ева свободися, смерть умертвися, и мы ожихом. тем воспевающе вопием: благословен Христос Бог благоволивый тако, слава тебе.**

Слава Тебе, показавшему нам свет!

Великое славословие

**Слава в вышних Богу, и на земли мир, в человецех благоволение. Хвалим Тя,**

**благословим Тя, кланяемся, славословим Тя, благодарим Тя великия ради славы Твоея.**

**Господи Царю Небесный Боже, Отче Вседержителю, Господи Сыне Единородный, Иисусе Христе, и Святыи Душе. Господи Боже, Агнче Божий, Сыне Отець, возьми грехи мира, помилуй нас.**

**Возьми грехи мира, прими молитву нашу. Сяди одесную Отца, помилуй нас. Яко Ты еси Един Свят; Ты еси Един Господь, Иисус Христос, в славу Бога Отца, аминь.**

**На всяк день благословлю Тя и восхваляю имя Твое во веки, и в век века. Сподоби, Господи, в день сей без греха сохранитися нам!**

**Благословен еси, Господи Боже отец наших, и хваляно и прославлено имя Твое во веки, аминь.**

**Буди, Господи, милость Твоя на нас, якоже уповахом на Тя.**

**Благословен еси, Господи, научи мя оправданием Твоим (трижды).**

**Господи! прибежище был еси нам в род и род. Аз рех: Господи! помилуй мя, исцели душу мою, яко согреших Тебе.**

**Господи! к Тебе прибегах: научи мя творити волю Твою, яко Ты еси Бог мой, яко у Тебе источник живота, во свете Твоем узрим свет. Пробави милость Твою ведущим Тя!**

**Святыи Боже, Святыи Крепкий, Святыи Безсмертный, помилуй нас! (трижды).**

**Слава Отцу и Сыну и Святому Духу, и ныне и присно и во веки веков, аминь.**

**Святыи Безсмертный, помилуй нас. Святыи Боже, Святыи Крепкий, Святыи Безсмертный, помилуй нас!**

*Тропарь воскресный*

**Днесь Спасение миру бысть, поем Воскресшему из гроба, и Начальнику жизни нашея: разрушив бо смертию смерть, победу даде нам и велию милость.**

*сугубая ектения.*

**Помилуй нас, Боже, по велицей милости Твоей, молим Ти ся, услыши и помилуй!..**

*просительная ектения.*

**Исполним утреннюю молитву нашу Господеви...**

**Премудрость!**

**Благослови!**

**Сый благословен, Христос, Бог наш, всегда, ныне и присно и во веки веков.**

**Аминь.**

**Утверди, Боже, святую православную веру, православных христиан во век века!**

**Пресвятая Богородице, спаси нас!**

**Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем!**

**Слава Тебе, Христе Боже, Упование наше, слава Тебе!**

**Слава Отцу и Сыну и Святому Духу, и ныне и присно и во веки веков, аминь. Господи, помилуй, Господи, помилуй, Господи, помилуй. Благослови.**

**Слава Тебе, Христе Боже, Упование наше, слава Тебе!**

**Воскресый из мертвых, Христос, истинный Бог наш, молитвами Пречистыя Своея Матере, святых славных и всехвальных апостол, (имена святых храма и дня), святых праведных богоотец Иоакима и Анны и всех святых помилует и спасет нас, яко Благ и Человеколюбец.**

**Великаго Господина и Отца нашего Кирилла, Святейшаго Патриарха Московскаго и всея Руси и Господина нашего Высокопреосвященнейшаго Ювеналия, Митрополита Крутицкого и Коломенского, Богохранимую страну нашу Российскую, настоятеля, братию и прихожан святаго храма сего и вся православныя Христианы, Господи, сохрани их на многая лета.**